

formae macropterae (brachyptera hactenus haud inventa) basi late leviter sinuata apice duplo latiore, lateribus versus basin subrectis, sulco transversali in medio posito, disco postico distincte subrugoso-punctato. Long. ♀ macr. $3\frac{1}{2}$ mm.

Hab. in Turkestan (Verni! d. 28 julii), D. Prof. J. Sahlberg.

Descr.: A *D. stachydis* Reut., cui maxime affinis, antennis brevioribus, totis nigris, scutello nigro-vittato, hemielytris autem unicoloribus nec apice cunei fusco, pedibus brevioribus, tibiis brevius spinulosis divergens. Corpus elongatum. Caput basi pronoti circiter $\frac{1}{3}$ angustius, a tergo visum margine basali verticis fere paullulum longius, antice visum hoc margine saltem dimidio longius, clypeo perpendiculari, basi in linea intermedia oculorum posita, gula dimidium capitis occupante, vertice (♀) medio oculo paulo latiore. Antennae infra lineam intermediam oculorum interne insertae. Pronotum basi longitudine paulo latius. Hemielytra feminae macropterae abdomen tertia apicali parte membranae superantia, membrana cum venis dilute griseo-scente. Mesosternum infuscatum. Venter sordide flavescens, utrinque vitta laterali picescente. Coxae anticae medium mesosterni parum superantes. Terebra feminae medium ventris attingens.

14. *Globiceps dubius* Reut.

Diagn.: Niger, nitidus, sulco transversali pronoti, maculis albis hemielytrorum, macula mesosterni utrinque nec non macula metapleurarum niveo-squamosis; pronoto pone sulcum fulvo, basi latius nigricante; clavo fulvo, apice nigricante, corio nigro, macula mox pone basin medium superante cuneoque albidis, hoc apice sat late nigro; articulo primo antennarum pedibusque fulvis, tibiis apice tarsisque nigris; vertice maris plano, margine carinato, carina ad oculos leviter arcuata; forcipe maris dextro irregulariter cordato, margine superiore dense aciculato medio profunde sinuato. Long. ♂ $5\frac{3}{4}$ mm.